

eryiz eryi

gaurkoa: sozial problema gordin agertuten dau. Dirua elburutzat artzen danean, gizona noraino joan daiteken ikusten da bertan. Kapitalismuaren jokabidea ta pentsakerea garbi agertuten dau ta baita bere ondorio gogorrek bere. Dirua lortu ezkeru, bardin jako kapitalisteari gizonaren eskubideak zapaldutea.

Antzerki egokia gaurko Euskalerraren egokerearentzat.

Zorionak Labaieneri ta Urnietako «Egi billa» taldeari, ain gai sakona ta ain ondo emon euskuelako.

BATEK

EIBAR

Martiaren 11tik 16ra, Eujenio Agirretxe frantziskotarrak, berbaldi sakon eta gaurkotasun andikoak egin deutsez Eibarko neska-mutl euskalduneri. Jentea, zoritzarrez, askorik ez. Berbaldi ostean alkar izketa interesgarriak, batzuk beintzat.

Gaiak:

—Gizon askoren askatasuna ilda dago. Iltzailleak non?

—Gure askatasunaren berpiztea lortu bear dogu. Zelan?

—Erri guztien artean erri bat egin daigun. (Aberri guztiak errespetatuz, Eleizea egin daigun).

—Batasuna lortzeko, alkar izketa bearezkoa da.

—Bakearen oinarriak.

—Mai baten inguruan, danok anai. Kristiñau sozialismurik bal?

Zorionak Aita Agirretxeri, ain gai sakon eta gaurkoak erabilten jakin daualako.

Martiaren 15ean Amaya antzokian, Urnietako «Egi billa» antzerki taldeak KALIFORNIA... KUKU antzerkia emon euskuen. Egillea: Labaien, 1967an «Agora»